



A: Bosna i Hercegovina
Federacija Bosne i Hercegovine
Zeničko-dobojski kanton
OPĆINA TEŠANJ
OPĆINSKI NAČELNIK
Trg Alije Izetbegovića 11, 74260 Tešanj

Broj:03-38-3-3629-2/12.
Datum: 06.12.2012. godine

Na osnovu člana 6. Odluke o stipendiranju redovnih studenata u 2012/13. akademskoj godini, Općinski načelnik donosi

K R I T E R I J E
za dodjelu stipendija redovnim studentima dodiplomskog studija (prvog ciklusa)
viših i visokoškolskih ustanova za akademsku 2012/13. godinu

I

Iz Budžeta Općine Tešanj dodjeljuju se stipendije redovnim studentima viših i visokoškolskih ustanova dodiplomskog studija (prvog ciklusa) (u daljem tekstu: studenti), sa područja općine Tešanj, koji ispunjavaju uvjete utvrđene ovim Kriterijima.

II

Stipendiju može dobiti student sa područja općine Tešanj koji studira na višoj ili visokoškolskoj ustanovi u BiH, pod uvjetom :

- da u akademskoj 2012/13. godini ima status redovnog studenta i da je prvi put upisao godinu studija prvog ciklusa,
- da ne prima kredit ili stipendiju od drugog kreditora, odnosno stipenditora, niti jednokratnu finansijsku podršku u iznosu većem od 600,00 KM u tekućoj akademskoj godini,
- da ne obnavlja godinu studija na istom ili drugom fakultetu,
- da nema status apsoluta i
- da živi na području općine Tešanj zajedno sa roditeljima (ukoliko su živi)

III

Stipendija se dodjeljuje za 2012/13. akademsku godinu, u deset jednakih mjesečnih rata. Visina mjesečnih rata utvrđena je Odlukom o stipendiranju redovnih studenata u akademskoj 2012/13. godini.

IV

Pravo na konkurisanje imaju svi studenti čija primanja po članu domaćinstva ne prelaze 562,26 KM (80% prosječne neto plaće, isplaćene u Kantonu u predhodnoj godini) što se ne odnosi se na PPBiŠ, studente čiji su roditelji nosioci najviših ratnih priznanja, studente sa prosjekom ocjena 9 i više i učenike generacije iz srednje škole.

Studenti iz kategorije PPBiŠ, studenti čiji su roditelji nosioci najviših ratnih priznanja, nadareni studenti sa prosjekom 9 i više, kao i studenti učenici generacije iz srednje škole, stipendiju dobivaju automatski bez bodovanja i bez obzira na profil zanimanja.

Studenti iz porodice RVI sa stepenom invalidnosti sa i preko 50%, stipendiju dobivaju automatski ukoliko im ukupna primanja po članu domaćinstva nisu viša od 562,26 KM, s tim što će se odabir krajnjih budućih stipendista vršiti na osnovu bodovanja prema slijedećim kriterijima:

1. OSTVARENI USPJEH

- studenti prve godine sa boljim prosječnim uspjehom ostvarenim u toku srednjoškolskog obrazovanja. (Bodovanje će biti izvršeno tako što se prosječna ocjena na kraju svakog razreda srednjoškolskog obrazovanja uvećava za 4 i množi sa koeficijentom 5);
- studenti koji su pokazali bolje rezultate u prethodnim godinama studija (Bodovanje će biti izvršeno tako što se prosječna ocjena svih položenih ispita množi sa koeficijentom 5);

Napomena: U slučaju prijave na konkurs studenta čije su ocjene na fakultetu iskazane od 1-5, primjenjivat će se tumačenje Ministarstva za obrazovanje, nauku, kulturu i sport ZDK, kada je u pitanju raspon prolaznih ocjena.

2. GODINA STUDIJA

za godine studija, počevši od druge godine, student dobiva:

- student druge godine - 4 boda,
- student treće godine - 6 bodova,
- student četvrte godine - 8 bodova,
- student pete godine - 10 bodova,
- student šeste godine - 12 bodova.

3. SOCIJALNO- EKONOMSKA SITUACIJA

Bodovanje će se izvršiti zavisno od primanja po članu domaćinstva kako slijedi:

do 100,00 KM	20 bodova
od 100,00 KM do 140,00 KM	16 bodova,
od 140,00 KM do 160,00 KM	14 bodova,
od 160,00 KM do 190,00 KM	12 bodova,
od 190,00 KM do 230,00 KM	10 bodova
od 230,00 KM do 300,00 KM	8 bodova,
od 300,00 KM do 400,00 KM	6 bodova
od 400,00 KM do 450,00 KM	4 boda
od 450,00 KM do 500,00 KM	2 boda i
preko 500,00 KM	0 bodova

NAPOMENA: Kod bodovanja za primanja, za vlasnike i direktore preduzeća, pravnih lica (DOO /DD) obračunavat će se prosječna plata u FBiH , a za vlasnike radnji i sl. (fizička lica kao STR, SZR, prevoz itd.) obračunavat će se prosječna plata u ZE-DO Kantonu.

Za članove porodice koji su u postupku penzionisanja, obračunavat će se najniža penzija u FBiH.

U slučaju kada su roditelji studenta razvedeni, potrebno je dostaviti dokaz o alimentaciji ili ovjerenu izjavu da ne prima alimentaciju.

4. STUDENTI IZ ISTE PORODICE

Za slučaj prijavljivanja 2 ili više studenta iz jedne porodice, potrebno je da oba prijavljena studenta ispunjavaju uslove konkursa, da bi se studentu koji bude imao bolji prosjek ocjena dodijelilo 5 bodova više.

5. STUDENTI SA INVALIDITETOM

Za studente koji imaju dokaz o vlastitom invaliditetu, po bilo kom osnovu, dodjeluju se bodovi kako slijedi:

- invalidnost do 30 % - 2 boda
- invalidnost od 30-60% - 4 boda
- invalidnost preko 60% - 6 bodova

6. POSTIGNUTI REZULTATI NA TAKMIČENJIMA I POSEBNA PRIZNANJA

- Studenti koji imaju posebna priznanja fakulteta za uspjeh tokom studiranja – 6 bodova
- Studenti prve godine studija, koji su osvojili jedno od prvih 3 mjesta na federalnim i državnim takmičenjima iz znanja – 4 boda.

7. BODOVI ZA DEFICITARNA ZANIMANJA

- Studentima prvog ciklusa koji studiraju medicinu, farmaciju, građevinu, arhitekturu, mašinstvo i elektrotehniku smjer informatika, bit će dodijeljeno dodatnih 5 bodova.

8. BODOVI ZA DRUŠTVENI ANGAŽMAN I VOLONTERSKI RAD

- članstvo u udruženju/klubu – 2 boda
- učešće u radu organa ili u vođenju projekata MZ ili udruženja/kluba – 1 bod

9. STUDENTI SA ISTIM BROJEM BODOVA

- Ukoliko se prilikom bodovanja pojavi više studenata sa istim brojem bodova, odlučujući faktor za dodjelu stipendije bit će prosjek ocjena.

V

Općinski načelnik raspisuje Konkurs, a Komisija za dodjelu stipendija provodi propisanu proceduru te predlaže Općinskom načelniku konačan spisak stipendista.

Bodovanje se vrši na osnovu validne dokumentacije:

Komisija će u slučaju osnovanih sumnji u tačnost raspoloživih informacija i dokumenata izvršiti dodatne provjere.

U slučaju da se ustanovi da je neko od kandidata dao pogrešne podatke i informacije kandidat gubi pravo na dalje učestvovanje u konkursu.

Prijave studenata čiji roditelji žive na području druge općine neće biti razmatrane.

U slučaju da se pojavi veći broj kandidata za dodjelu stipendija, Komisija utvrđuje listu prioriteta prema odredbama člana IV ovih kriterija. Konačna lista stipendista, nakon saglasnosti Općinskog načelnika, bit će istaknuta na oglasnoj ploči. Rok za žalbe i prigovore je 15 dana od dana objavljivanja liste.

VI

Zahtjev/prijavu sa potrebnom dokumentacijom studenti će dostaviti Službi za društvene djelatnosti, komunalne poslove i ekologiju Općine Tešanj, sa naznakom **"KOMISIJA ZA DODJELU STUDENTSKIH STIPENDIJA"**.

VII

Po odobroj stipendiji zaključuje se Ugovor kojim se pobliže uređuju prava i obaveze ugovornih strana. U ime Općine Tešanj ugovor zaključuje Općinski načelnik.

VIII

Isplata stipendija počinje od 01.10.2012. godine do 01.10.2013. godine i vršit će se putem tekućih računa otvorenih kod banke, do 15-og u mjesecu za prethodni mjesec. Stipendije se neće isplaćivati za mjesec juli i august 2013. godine.

OPĆINSKI NAČELNIK

Mr.sci. Suad Huskić, profesor